

Kufaa kwa Uhamisho,

Kwa maana kila kitu kilichozaliwa na Mungu huushinda ulimwengu; na buku ndiko kushinda kuushindako ulimwengu, biyo imani yetu. 1 Yohana 5:4.

Mungu anawaongoza watu wake, hatua kwa hatua. Anawapitisha katika nyakati za vipimo tofauti tofauti ili kudhihirisha kile kilichomo ndani ya mioyo yao. Baadhi hustahimili katika hatua moja lakini huanguka katika hatua inayofuata. Katika kila hatua moyo hujaribiwa na kupimwa kwa ukaribu zaidi. Ikiwa mioyo ya wale wanaoitwa watu wa Mungu itapingana na kazi hii njema, inapaswa kuwashawishi kuwa wanayo kazi ya kufanya ili waweze kushinda, ili wasitapikwe kutoka kinywani mwa Bwana. Malaika alisema: “Mungu ataleta kazi yake karibu zaidi na zaidi ili kumjaribu na kumhakiki kila mmoja wa watu Wake.” Wengine wako tayari kupokea katika hatua moja; lakini pale Mungu anapowapitisha katika hatua nyingine ya kupimwa, wananywea na kurudi nyuma, kwa sababu waligundua kwamba inagonga moja kwa moja katika vitu vyao wanavyovipenda. Hapa wana nafasi ya kuona ni nini kilichomo mioyoni mwao kinachomfungia Yesu nje. Wanathamani mambo fulani juu zaidi ya ukweli na mioyo yao haiku tayari kumpokea Yesu. Mtu mmoja mmoja anajaribiwa na kuhakikiwa kwa muda mrefu ili kuona kama atazitoa muhanga sanamu zake na kulisikiliza shauri la Shahidi wa Kweli... Wale wanapita kila hatua, na kustahimili kila jaribio, na kushinda, haidhuru ni kwa gharama gani, wamezingatia shauri la Shahidi wa Kweli, watapokea mvua ya masika na watafaa kwa ajili ya kutwaliwa.

Mungu anawahakiki watu wake ulimwenguni. Hapa ni mahali pa kufanywa tufae kusimama katika uwepo Wake. Hapa, katika ulimwengu huu, katika nyakati hizi za mwisho, kila mtu ataonesha ni nguvu gani iliyoathiri moyo wake na inayotawala matendo yake. Ikiwa ni nguvu ya kweli wa Mungu, itamuongoza katika kutenda mema. Itamwongoza aliyeipokea na kumfanya kuwa na moyo mwema na mkarimu, kama alivyo Bwana wake mtakatifu. Lakini ikiwa malaika waovu wanamtawala moyoni, itaonekana katika namna tofauti tofauti. Matunda yake yatakuwa ni ubinafsi, tamaa, majivuno na hisia ovu.

Moyo ni mdanganyifu kuliko vitu vyote na muovu kabisa. Wakristo wa jina hawakotayari kujichunguza kwa makini ili kutambua ikiwa wako ndani ya imani; na jambo la kuogofya ni kwamba wengi hujifunza katika tumaini la uongo... Wanaonekana kuhisi kwamba utangazaji wa ukweli utawaokoa. Pale wanapozitiisha dhambi zile ambazo Mungu anazichukia, Yesu atakuja ndani yao na kula pamoja nao, nao pamoja Naye. Kisha watapata nguvu ya Mungu kutoka kwa Yesu na kukua katika Yeye na waweze kwa ushindi mtakatifu kusema: “Lakini Mungu na ashukuriwe atupaye kushinda kwa Bwana wetu Yesu Kristo”

(Testimonies for the Church 1:187, 188).

Malaika wa tatu anawaongoza jamii ya watu hatua kwa hatua, zaidi na zaidi. Katika kila hatua ya jaribu watakalopitia **(Testimonies for the Church 1:190).**